

TENTAMEN MEDICUM  
INAUGURALE,

DE

VARIOLIS.

QUOD,

ANNUENTE SUMMO NUMINE,

Ex Auctoritate Reverendi admodum Viri

D. GULIELMI ROBERTSON, S.S.T.P.

ACADEMIÆ EDINBURGENÆ Praefecti;

NEC NON

Amplissimi SENATUS ACADEMICI consensu,

Et nobilissimae FACULTATIS MEDICÆ decreto,

PRO GRADU DOCTORATUS,

SUMMISQUE IN MEDICINA HONORIBUS ET PRIVILEGIIS

RITE ET LEGITIME CONSEQUENDIS;

Eruditorum examini subjicit

P. GULIELMUS FERGUS,

HIBERNUS,

Societ. Physicae Edin. Soc. Hon.

Ad diem 12. Septembris, hora locoque solitis

EDINBURGI:

Apud BALFOUR et SMELLIE,

Academiae Typographos.

---

M,DCC,LXXXIII.





Viro imprimis colendo,

Patruo suo dilectissimo,

GULIELMO FERGUS, M. D.

In oppido Tuam, in comitatu Galvidensi,

Artem medicam,

Summa cum laude hominumque salute, exercenti;

Ob innumera in se suosque collata beneficia,

Hancce dissertatiunculam,

animi haud ingrati

monumentum,

Qua decet observantia,

D. D. Cq.

A U C T O R.





TENTAMEN MEDICUM,

INAUGURALE,

DE

VARIOLIS.

**D**E variolarum antiquitate inter medicos disputatum fuit, et super hac quaestione alii in alias sententias abiverunt. Quidam hunc morbum gravem Graecis notum fuisse contenderunt, ad eorum scripta provocantes, dum alii illud prorsus negarunt. Controversia haud magni momenti est, praesertim cum in hoc satis conveniant medici, quod Rhazes primus omnium huius morbi historiam plenam et accuratam tradiderit.

Variolas primum in plagis calidis, in Africa, nempe, et Æthiopia, sese ostendisse cen-



set Meadius, indeque in Europam delatas fuisse, vel per contactum, vel mediantibus substantiis laneis, aliisve id genus.

Circa undecimi saeculi finem, initiumve duodecimi, indies augebatur malum, ob bella cum Saracenis gesta Terrae Sanctae causa recuperandae, et ex hoc tempore ejus progressum notare per diversas Europae partes in facili et in expedito est.

### D E F I N I T I O.

Medici, ex quo tempore nosologiae collendae incubuerunt, plurimas variolarum definitiones excogitaverunt; inter quas praesertim eminet definitio Culleniana, aliis, me judice, facile anteponenda, quippe quae, missis ambagibus, signa morbo propria et praecipua solummodo complectatur.

Cum ad duplicem variolarum speciem hae spectent observationes, operae pretium  
erit



erit utriusque definitionem nosologicam in medium proferre.

Variola (discreta) pustulis paucis, discretis, circumscriptione circularibus, turgidis, febre eruptione facta, protinus cessante.

## HISTORIA MORBI.

Variolae nemini parcunt, nisi qui morbo jam defunctus fuerit. Omni anni tempore, praesertim inter aequinoctium vernum et autumnale, grassantur. Contagium variolosum corpus ingressum varia producit symptomata, quibus enumerandis nunc me accingo, Sydenhamo duce viamque monstrante.

## VARIOLA BENIGNA.

Morbo adveniente, languescit aeger, hebescit, et ad sudorem proclivis redditur. A  
primo



primo variolarum impetu sese mutuo excipiunt et horror et calor, vesperi sensus frigoris, per horas quasdam obsidens, persentitur, cui evanescenti succedunt blandus quidem calor, capitis dolor, sitisque, crebra adest nausea atque vomitus; dolor ex epigastrio pressio, dolores acutissimi circa umbilicum torquentes, vel per dorsum diffusi, lumbaginis aemuli, aegrum affligunt excruciantque. Haec omnia symptomata sub noctem vi intenduntur; mane vero, ex sudore leni profluente, levamen accipiunt, persistentibus tamen languore viriumque jactura.

Die mali secundo, symptomata quae mane sopita videbantur, vesperi recrudescent, saeviusque furunt. Huc et illuc se jactat aeger, inquietus, infomnis, et delirio saepissime affectus. Sub idem tempus, convulsionibus infantes haud raro corripiuntur, quae quidem eruptionem instare, et etiam mites et boni moris futuras variolas, si illarum numerus exiguus fuerit, praenunciarent.

Tertio



Tertio die, persistente sudore, erumpunt papulae, et tunc febris vel ex toto evanescit, vel multum imminuitur. Exacerbatio vespertina iterum se prodit. Mitior vero et brevior, quam quae diebus praecedentibus accidisset; maculae rubrae, exiguae, humiles, per frontem sparsae, et ad radicem capillitii praesertim confertae, medico se ostendunt; in collo deinde apparent, et gradatim per totum corpus conspici possunt. Mole ad diem sextum crescunt, quo tempore, summam suam magnitudinem adeptae, molem pisi hortensis, pro maxima parte, habent.

Die quarto, rosam Damascenam colore referunt, quo tempore maculae albae in illarum apicibus apparent, gradatim ad sextum diem flavescentes, quando perfectum flavum colorem induunt. Tumor per faciem, praesertim ad bases et intervalla pustularum, diffunditur; tumescunt palpebrae, vesicae tumidae saepe similes; clauduntur oculi; aliquando palpebris tanta accedit inflammatio, ut a se invicem ab initio eruptionis



tionis divelli nequeant ; has mutationes subit imprimis facies, totumque corpus postea simili modo afficitur. Pustulae et spatia pustulis interjecta gradatim colorem suum vividum amittunt ; materie quae in illis fuerat in pus conversa, quod brevi crustae subsequuntur ; tumor faucium et deglutionis difficultas, quae semper variolas confluentes comitantur, raro ullam molestiam in hacce specie facessunt.

Eruptione facta, febris ex toto fere cessat, sed si pustulae numero plures sint, quamvis distinctae, res minime in vado est ; circa crisin enim ardore, siti, delirioque aliquando corripuntur aegri, et medicus in eo omnes intendere debet animi nervos, ut malum avertat subnascens ; cum enim altas egerit radices, et corpori penitus infederit, nihil potest medicina.

Subsidente faciei tumore, evanescunt symptomata enumerata.

Septimo die finitur suppuratio, octavo pustulae flavescent, quod ex materia partim absorpta, partim foras eliminata, pendet.



det. Et duplex hic processus pergit, donec nihil nisi crusta in conspectum se dederit; his crustis delapsis, aliquando, sed raro, vestigia seu cicatrices sese ostendunt.

Symptomatis variolarum distinctarum enumeratis, historia confluentium consideranda venit.

Variola (confluens) pustulis numeris confluentibus, circumscriptione irregularibus, flaccidis, parum elevatis; febre post eruptionem persistente.

## V A R I O L A M A L I G N A.

Inter variolas distinctas et malignas multum intercedit similitudinis; hae vero ab illis et natura et vi symptomatum differunt. In malignis, vomitus adest perpetuus, tantaeque faucibus accedit inflammatio, ut quibusdam in casibus medicus sagax, et sedulus morborum indagator, variolas confluxu-  
ras



ras facile praenunciare possit ; non tam ad sudorem proclivis quam in distinctis fit aeger. Suppurationem interdum praecedit diarrhoea, quae per aliquot dies post eruptionem durat. Secundo vel tertio die, erumpunt maculae, quae raro serius se produnt, nisi atrocius quoddam symptomata se ostenderit. Quo citior evenit eruptio, eo ferocior morbus ; maculae parvae, observatu difficiles, instar erysipelatis, erumpunt ; quod quidem in culpa fuit ; cur medici egregii nonnullos et variolis et morbillis eodem tempore decubuisse affirmaverint. Quo numerus illarum major est et supparatio citior, eo magis confluent pustulae. Hoc saepius in facie, quam in aliis corporis partibus, contingit. Febris, quae in distinctis, eruptione facta, vel prorsus evanescit, vel, viribus fractis, perstat, in malignis recrudescit, simulque omnia symptomata, vomitu excepto, aegrum affligunt excruciantque. Exacerbatio vespertina morbum per totum ejus decursum comitatur ; paroxysmi epileptici infantes adgrediuntur, quibus haud raro



ro ante eruptionem factam exitio sunt. Progreſſiente morbo, tumefcit facies, tumefcit et cervix, deglutitio fit difficilis, faliva magna copia profunditur, respiratio impedita ſuffocationem ſaepe minitatur. Eo majore in periculo verſatur aeger, quo citior apparet faucium inflammatio. Qui aetatis annum decimum expleverint, iis ptyaliſmus ſuper-venit, os, fauces, &c. denudans, faliva circa criſin viſcidior et tenacior facta, ſumma cum difficultate excernitur, et maximas excitat in corpore turbas, aegro ſaepeſſime exitioſas. Faciei tumore ſubſidente, grave hoc ſymptoma levatur; huic fluxui minime obnoxii ſunt infantes, ſed loco ejus diarrhoea corripuntur. Licet quaedam ex puſtulis aliquando diſtinctae ſint, attamen formam conicam, quam in benigna variola obſervare poſſumus, nunquam adipiſcuntur; nec margine cinguntur inflammato et rubro; humor puſtularum modo pellucidus eſt, modo ſanguinolentus, aliquando rubrum induit colorem, aliquando lividum ſeu ſubnigrum. Cum haec ſymptomata a ſanguini-



ne diffoluto pendeant, maximum indicant periculum. Morbi finem versus, cutem pruritus obsidet, et partes quibus cutis detracta fuit haud raro in gangraenam abeunt.

Nunc arefcit cutis, et, nisi vires penitus fractae fuerint, accedit brachiorum et manuum, et postea pedum et crurum, tumor. Pustulae ibi distinctae remanent, et pus continent, fluidius quam in altera specie observare licet.

Si vero res aliter se habuerit, et naturalis harum partium tumor non contigerit, actum est, pro maxima parte, de aegri vita. Nova incumbit aegritudinum caterva lethalis; delirio, tendinum subsultu, corripitur aeger; faeces invite dejiciuntur, lingua arefcit, urina parca vel sanguinolenta redditur, vel omnino supprimitur, et tandem mors tantis malis finem imponit.

Dies decretorii primum ab Hippocrate, et postea ab aliis scriptoribus, observati, in variolis maxime evidentes sunt; a vi symptomatum quae die septimo sese ostendunt,  
quid



quid de morbo praefagiendum sit dicere licebit. Mors aliquando die undecimo accidit, et saepe repente et inopinate; suum cursum tam celeriter aliquando absolvit, ut mors contingat die sexto; febris hectica, modo citius modo ferius, se ostendit; circa diem decimum praesertim oritur, et incertum tempus manet; ex partibus puris tenuioribus in sanguinem reiectis, si mihi judicare fas sit, originem ducit: Eam enim non observarunt medici, nisi prius ulcus cutem abrafisset.

## C A U S Æ R E M O T Æ.

Cuique varias hujus morbi historias perpendenti, planum et evidens erit, variolas a contagio sui generis ortum ducere; quae-nam vero sit ipsius contagii natura vel origo omnes, quantum scio, latet; variae tamen res morbum graviolem facere possunt, quales metus sunt, tristitia, ebrietas, diaeta nimis tenuis, et venus nimis culta.

Quantum



Quantum ad corpus debilitandum conferat metus, quisque novit, sanguinis circuitum reprimat, vim muscularem imminuit, totum corpus pallidum inerisque reddit. Varia dyspepsiae symptomata gignit, denique vim mentis et aciem judicii hebetat.

*Ebrietas.*—Dum vino sepulti corpora trahunt homines impune sese contagio obijciunt; sed somno refectioni, debilitate tamen non penitus excussa, virus carpunt lethale, et morbis inde ortis implicantur.

*Diaeta nimis tenuis.*—Victus tenuioris, astheniae proles frequentissima, ad plurimos morbos viam sternit; cum tamen periculum a variolis metuendum non tantum a vi corporis imminuta, quantum a diathesi inflammatoria, pendeat, fortasse inter causas diaeta tenuis minime recensenda fuit; verum enimvero, talis vivendi ratio homines ad contagium suscipiendum, quamvis id susceptum nutriat foveatque, habitus phlogisticus, qui oleum camino, ut ita dicam, addit, opportunos reddere potest.

Quo



Quo calidior fuerit anni tempestas, eo saevius furent variolae, ut ex observationibus Sydenhami et Swietenii liquet; qui aetate provectiori sunt, et cibo ex animalibus confecto vescuntur, variolis malignis, ut plurimum, dum infantes, quibus et corpus debile est et victus tenuis, tantorum expertes malorum, benignis corripuntur.

Causae jam memoratae ad majorem pustularum numerum educendum multum conferunt. Quin et calor, vel ex Sole proveniens, vel ex ignibus arte accensis, et emplastra cuti admota, Suttonii fautoribus confitentibus, eosdem producunt effectus.

Quaenam sit istius seminii natura, quod ad variolas viam sternit, vel corpus contra viri variolosi vim firmat, non desunt enim homines qui, sese sua sponte variolis objicientes, immunes perstiterunt, nihil affirmare volo. Nocte enim atra haec obvolvuntur arcana, aciemque oculorum omnino effugiunt.

C A U S A



## CAUSA PROXIMA.

Contagium variolosum in corpus receptum, vel per pulmones per cutem ventriculūve, more aliorum fermentorum, quandam fluidorum partem in suam naturam convertit, genus etiam nervosum quodammodo afficit, ita ut, qui morbum semel perpeffus est, vitam variolis immunem postea tranfigat; iisdem prorsus proprietatibus semper imbutum esse hocce videtur virus. Variare quidem potest malignitatis gradu; sed ipsius intima natura perennis viget et immutabilis. Quae vim contagionis flectunt, sunt aetas, temperamentum, aliaeque corporis conditiones supra relatae. Item aëris constitutio epidemica; variolae enim, aestivo calore ingruente, pessimi moris observantur, vere mitiores, et hyeme mitissimae evadunt. Progressui variolarum obstat fortasse mundities; cuique enim variolas epidemice vel sporadice grassantes consideran-  
ti



ti facile patebit, hunc morbum, in locis illuvie et sordibus foedis, praesertim stragem edere horrendam. Pagis enim suburbiisque potissimum infestus est, et quin sordes ad ostium accumulatae, uti plebi in usu est, variolarum cursui faveant nullus dubito.

## D I A G N O S I S.

Exanthemata, cujuscunque fuerint generis, primo impetu eandem prae se ferunt speciem. Nonnihil quod ad primam frontem inter variolas, morbillos, varicellam intercedit similitudinis. Symptomata cuique ex his morbis propria, si famae suae et aegri vitae consulere velit medicus, cognoscere debet. Ut res clarius illucescat, quotquot ad discrimen conferant enumerabo. Morbo ingruente, diagnosi minime in expedito est; sed si variolae epidemice grassantur, si aeger, symptomatis febrilibus correptus, hoc morbo nunquam decubisset. Si hoc morbo affectis interfuerit; denique, si insitio variolarum

olarum facta fuerit, naturam morbi dignoscere possumus, et variolas brevi erupturas praenunciare.

In varicella, papulae se produnt, nulla vel saltem leni et obscura febri praegressa, quae cito definit; papulae in vesiculas cito efformantur, et materies, quae in illis adest fluida, manet, et pus minime refert, post tres vel quatuor dies crustae apparent, et brevi dilabuntur, tum aeger ad varia sua munera obeunda aptus evadit.

Variolas prima quidem eruptione rubeola quodammodo refert. Sed decursu planum et evidens est discrimen. Papulae in morbillis non nisi die quarto erumpunt. Morbillos comitatur tussis sicca et rauca, cum lacrymatione. Respiratio impeditur, cum aeger sternutatione et coriza afficitur. Febris, quae in variolis distinctis eruptione facta evanescit, rubeolam minime deserit, et varios producit effectus. Convulsiones, quibus die vel ante eruptionis diem corripitur aeger, variolas brevi erupturas, ex quorundam medicorum sententia, praenunciant.

Haec



Haec tamen assertio iniquis forsitan innititur fundamentis; testantibus enim Swietenio, aliisque magni nominis viris, rubeolam aliquando praecedunt paroxysmi epileptici, medico aliquid luminis inde affulgere potest, quod dolor ante eruptionem ex epigastrio pressio oriatur.

### P R O G N O S I S.

Ut cognoscamus quid de morbi eventu praesagiendum sit, animum ad varia, ordine quo occurrunt, symptomata adhibeamus oportet.

Convulsiones, post eruptionem adorientes, febris quae sopita videbatur denuo accensa, pustulae flaccidae ichore tenui refertae, et spatia pustulis interjecta depressa, maximum indicant periculum; si his accedant maculae per cutem crebrae, et urina sanguinolenta, si male oleat anima, si sanguis variis e corporis partibus, e naso, gingivis, e pulmonibus, flillet, mortem in propinquo esse praesagire licebit; praesertim

C tendinum

tendinum subfultu, dentium stridore, delirio, supervenientibus, symptomata jamjam memorata, quippe quae putredinem fluidorum designent, difficillime curantur. Tanta huic morbo aliquando vis inest, ut mors die octavo aut ante accidat, et, licet mortem non intulerit, gignit tamen aliquando ulcera sanatu difficillima, vel morbos quosdam, sicut ophthalmiam, phthisin, et diarrhoeam.

Eventus tamen alia habetur ratio, si febris lenis et mitis eruptionem praecesserit; si papulae discretae non nisi tertio die eruperint; si, eruptione facta, febris protinus cessaverit, vel viribus fractis persistet; si facies denso agmine pustularum minime obruatur; denique si, pustulae margine rubro et inflammato cinctae, pus boni moris tempore debito ostendant. Rebus ita se habentibus, spes elucescit, et sanitas in propinquo est. Si diarrhoea infantes et ptyalismus adultos adoriens, modum non excedant, si tumorem faciei excipiat, tumor et manuum et pedum, res pro maxima parte in vado est; aegrum enim brevi post tempore fessum.



feffum et exhaustum, reficit dulcis quidem fomnus; et, cibi defiderio redeunte, omnia symptomata morbida protinus evanescunt.

## RATIO SYMPTOMATUM.

*Sitis*—per totum morbi decursum urget. Ut plurimum fitis, et duplici causa, me iudice provenire videtur; ex calore totum corpus obsidente, et forsitan ex saliva circa crisin viscidior reddita. Spasmus etiam, vascula tenuia occupans, secretiones cohibendo, ingratam hanc sensationem ciere potest.

*Capitis dolor, delirium, convulsiones.*—Contagium variolosum in corpus receptum sanguinis circuitum auget, quo facto, sanguis, in vasa capitis propulsus, tubulos minimos dilatat, et inflammationem inducit, quae forsan in causa est cur de capitis dolore tam saepe conquerantur aegri febribus, et praesertim variolis, decumbentes. Ex iisdem causis gradu majoribus convulsiones oriuntur et delirium.

*Petechiae.*

*Petechiae.*—Haec pendent symptomata a sanguine dissoluto, et in telam cellulofam effuso.

*Vomitus.*—De mirabili illo consensu qui inter cutem et ventriculum intercedit, apud omnes constat, unum e multis, quae huic opinioni fidem faciunt, exemplis, memorare sufficiat. Sydenhamus egregius, cum diu vomitionem in peste subortam variis internis remediis, summa cum cura et diligentia adhibitis, compescere frustra tentasset, aegrum ad sudorem stragulis accumulatis tandem accinxit; indeque factum est, quod vomitus antea assiduus, et fere perpetuus, brevi ex toto desierit.

## METHODUS MEDENDI.

Antiqui in eo omnem medelam collocaverunt, ut stimulantibus, cujuscunque fuerint generis, et regimine calido, pustulas educerent, scilicet, in ea opinione remanentes,



tes, quod, hacce methodo adhibita, materies morbifica subacta foret, et corpore eliminata, quanta ex hac praxi dira et nefanda scaturiverint mala, ne unus quidem ignorat, laus et honos Sydenhamo illustri, qui huic methodo infauetae se totis viribus opposuit, et aliam rationi magis consentaneam firmam stabilivit. Ope medica vix indiget variola benigna, quae calorem excitant nativum, quae sanguinis circuitum accelerant, sedulo evitanda sunt. Profunt cibus vegetabilis, et diluentia sicut, aqua cum succo limonum vel aurantiorum, ad gratum acorem, multum sub dio versari, modo a radiis solaribus defendantur aegri, haud parum juvabit; si tali rationi usi fuerimus nihil amplius superest agendum, et aeger suae spontis brevi futurus est. Variolae malignae alia est ratio, quamobrem de medela quae huc conducit fusius tractare conabor.

Tria sunt medendi consilia.

1<sup>mo</sup>, Diathesi phlogisticae obviam ire.

2<sup>do</sup>,

2do, Quaedam levare symptomata molesta.

3tio, Fluidorum putredini obfistere.

Ad primum consilium explendum conducunt.

1mo, Vaenaesectionio.

2do, Purgatio.

3tio, Emetica.

4to, Diluentia.

5to, Frigus externe adhibitum.

Si pulsus plenus et validus sit, oculis rubris et facie tumida apparentibus, si inflammatione fauces teneantur, praecedatque eruptionem delirium, tunc sanguis, pro re nata, mittendus est, iterum iterumque mittendus, symptomatis persistentibus, vel de novo recrudescentibus. Falluntur qui vaenaesectionem ad impetum febris levandum damnent. Nullum enim aut praestantius aut tutius nobis praesto est remedium, ad hunc finem assequendum, praesertim in adultis junioribus et natura validis.

*Purgatio.*—Ad diathesin phlogisticam levandam hocce confert remedium; vim febris reprimi,



reprimat, et intestina rite evacuando, et alvum modice solvendo, pericula a stercore accumulato provenientia optime summovet. Febre eruptiva persistente, ad purgationem felici cum successu decurritur; quippe quae impediatur, quo minus pustularum onere cutis obruatur. Per totum morbi decursum, praesunt lotiones emollientes, inflammationis signis graviter urgentibus, et saepius in die repeti debent. Si evacuatione larga opus fuerit, ex stimulantibus confici possunt.

*Emetica.*—Quantum profint hacce remedia, omnibus notum est; multis laudibus ea cumulavit Sydenhamus, vir sagax, et in morbis curandis expertissimus. Quanta in usu emeticorum collocanda sit fiducia, ex hoc constat, quod vomitus adsit creber, cum dolore circa ventriculum haerente, quae mala vomitio plenior arte excitata in hoc, ut in aliis casibus, haud raro summovet.

*Diluentia.*—Cum in eo satis conveniant medici, quod ex usu diluentium multum percipiatur fructus, nonnulla, quae ad hanc rem maxime respiciunt, enumerare sufficiet.

Inter

Inter varia hujusmodi remedia praesertim eminent potus acidulatus, aqua hordeata, &c.

*Frigus.*—Ante Sydenhamum illustrem, qui variolis decumbebant vestibis obruebantur, ad promovendum eruptionem pustularum, focis magnis, fenestris curiose clausis, et ingenti onere stragulorum a frigore omni cura cavebant; hanc vero methodum falsissimam et perniciosissimam esse, satis superque demonstravit vir immortalis jam memoratus. In omnibus morbis acutis, praesertim in variolis, maxime prodest aër recens. Varia remedia, ad variolas debellandas apta, frustra dabuntur, si regimen calidum adhibitum sit; quod adeo verum est, ut magni nominis medici aegros in conclavi ampla, fenestris apertis, tractandos curent; et quidem felici cum successu; etiam sub dio multum consumere temporis juvabit, ut ex usu quotidiano constat. Ipse quosdam hoc morbo correptos vidi, qui se aëri frigidissimo exponerent absque ullo damno; et quamvis talis aëris temperies valetudine



letudine illibata perstante plurimum noceret ; tamen inde factum est quod morbus ferocissimus suos represlerit tumultus mitiorque evaserit. Æger, si ob vim morbi prodire nequeat, in cubiculo decumbere debet amplo, et cujus fenestrae semper apertae servantur, et si ad septentrionem spectant, eo melius ; ne stragulis nimis et accumulatis oneretur sedulo cavendum est. Hocce adhibito regimine, impetus febris reprimitur, et pustularum numerus imminuitur.

Quae ad secundum consilium spectant enumeranda sunt.

Convulsionibus, quae infantes, eruptione suboriente, corripunt, remedio saepissime est aër frigidus admissus. Si malum perstiterit, hirudines vel cucurbitulae cruentae temporibus admotae, praesertim vero opiata, levamen afferent. Ad dysuriam ischuriamve levandam, et abdominis dolores amovendos, profunt opiata, semicupium. Utiles haud raro inveniuntur lateres cocti abdomini admoti, vel vesicae aqua tepida impletae.

pletæ. Si hæc omnia ischuriae removen-  
 dae imparia sint, ad usum catheteris decur-  
 rendum est, dejectiones sanguinolentæ, uri-  
 na sanguine tincta, rem in præcipiti esse o-  
 stendunt, et perraro medicinae cedunt. Ad  
 dejectiones reprimendas, aliquem promit-  
 tunt successum enemata ex opiatîs parata ;  
 cum vero hæc symptomata a sanguine dis-  
 soluto pendeant, de remediis quæ illis ac-  
 commodantur in capite sequenti verba fa-  
 ciam.

*Fluidorum putredini occurrere.—Frigus.*  
 Jam satis de viribus frigoris in impetu vari-  
 olarum febrili cohibendo dictum, et certe  
 ad putredinem avertendam nullum remedi-  
 um præstantius nobis cognitum est.

*Cortex Peruvian. vin.*—Hæc remedia vi  
 antiseptica pollent. Cortex primario quidem  
 modo in solida viva agit, illaque roborando  
 et confirmando putredini obfistit ; ex debili-  
 tate enim et vi nervosa imminuta sæpe nas-  
 citur in putredinem proclivitas.

*Acida.*—Multis efferuntur laudibus acida  
 mineralia



mineralia et vegetabilia, et per totum morbi decursum adhiberi debent; quippe quae corpus calore confectum recreent reficiantque.

*Opium.*—Utrum qualitatibus antisepticis donetur opium necne, ambigitur. In specie quadam gangraenae profecto haud parum aliquando profuit. Sed haec proprietas pendet, me iudice, a quadam in solida actione, quicquid sit; de hac opinione multum commodi ex usu ejus obtineri potest. Somnum enim inducit, dolores compescit, et suppurationem promovet.

Haec sunt ad putredinem cohibendam medicamenta commendata. Circa crisin, ut jam supra annotavi, summum metuendum est periculum, et in id omnes intendamus oportet animi nervos, ut faciei tumorem, artuum tumor subsequatur, et pustulis medeamur. Quidam, suppuratione facta, pustulas incidunt; quod mihi minime arridet, utpote quod frigus vulneribus admissum molestiam frequenter facessat, et quin idem in hoc casu sequeretur effectus, nullus dubito.

Quae-

Quaedam de usu frigoris cautelae in hoc morbi stadio necessariae sunt. In ipso variolarum impetu nullum remedium praestantius nobis cognitum est, quam aër frigidus; sed, suppuratione facta, res aliter se habet; partes enim irritando ulceribus nocet. A purgantibus circa crisin abstinere juvabit, quippe quae artuum tumori impedimento sint. Post artuum vero intumescentiam, lenia quaedam, sicut manna, cassia, et similia, adhiberi possunt.

Ad artuum intumescentiam promoven-  
dam, epispastica pedibus admota, quibus-  
dam medicis testantibus, haud parum conse-  
runt; ex illorum usu nullum fructum ob-  
servavi, et in duobus casibus, quos mihi vi-  
dere contigit, gangraenam excitando mor-  
tem acceleravere. Partes ulceratae quodam  
unguento emolliente contegi debent.

Febris hectica, quae variolas excipit, a pu-  
ris absorptione, me iudice, oritur. Mede-  
lam ex venaesectione et purgantibus, si in-  
flammatoria sit, accipit. Si ad typhi natu-  
ram



ram accedat, omnis nostra spes in cort. Peruvian. et vino generoso, collocanda est.

Hocce tentamine ad finem perducto, hoc solum superest, ut viro præstantissimo, mihiq. amicissimo Nicolao Browne, M. D. artem medicam Tuamae feliciter exercenti, omnibusque in alma hac academia Professoribus, qui plurimum curae in me docendo collocarunt, gratias quam maximas agam ; praesertim Gregorio celeberrimo, quem omnes, non solum ob peritiam in arte medica summam, et ingenium ejus florentissimum, admirantur, sed diligunt amanti-que, ob morum comitatem et animum benignum.

F I N I S.









